

K61.449
2



გოსტურა ოლივერ უორდროუპი

დ. 1870 წელს დაიბადა სპირი სპარტველოსთან



მეფე ერეკლეს მიმართვა ინგლისის მთავრობას-
თან 1780 წ.

ზ. კიკინაძისა

თბილისი, სტამბა „სორაბანი“, შად. ქ. № 1.
1920

კლეს მალე წერილი, მოციქულები და მდიარასი
ნივთების ღღენიც გამოუგზავნა და თან მისი დავა-
ლებაც რომ მეფე ერეკლეს ეკისრა ს ქართველო-
სთან ერთად სომხეთის შესახები ზრუნვა და ინგლი-
სის მთავრობასთან დაწყობილ თათბირში სომხეთის
კითხვების ჩარევაც.

მეფე ერეკლეს, როგორც გმირს მეფეს და სო-
მხეთის მფარეულს, ესეთი მომართვა და დავალება
დიდათ ესიაშოვნა, მალე პასუხი ჩისლა იაკობ შახ-
რიმიანს და აქ უკვე გაიმართა ამათში კარგი კავშირი
და წერილების წერა და მოციქულების გზავნა,
მოხდა ისიც, რომ თავ მომწონე მდიდარმა სომეხმა
მეფე ერეკლეს ისიც აცნობა, რომ ინგლისის მთავ-
რობის წინაშე თათბირსა და ხოვნების გადაცემაში
მეც დაგეხმარებით და ზონაწილეობას მივიღებო.

ამ ამბის გაგებაც მეფე ერეკლეს დიდათ ესი-
აშოვნა და აქამდის თუ ამ საქმეში მეფე ერეკლეს
ჰქომაგობდენ სპარსეთში მცხოვრებ ინგლისელთა
კონსულები, ახლა ამ საქმეს ინდოელი მდიდარი
მილიონერი იაკობ შახრიმიანიც გამოუჩნდა, რო-
მელმაც ერეკლე მეფეს ისიც კი მოსწერა, რომ ამ
საქმისთვის შე დავსდებ მთელს ჩემს შეძლებას
თუ საჭირო იქნება სიცოცხლესაკიო.

მეფე ერეკლე ამ გარემოებამ ისე აღაფრთოვანა
და ისე გაახარა, რომ მან ისურვა შახრიმიანის დი-
დი პატივისცემა და ღირსებული დაპირების სამ
სამაგიერო ღირსეული დაჯილდოვებით გადაქდა.

მეფე ერეკლემ ისურვა შახრიმიანის საქართველოში მოწვევა და აქედან მოქმედება, ამიტომ მეფე ერეკლემ შახრიმიანს უპირველესათ ყოვლისა მიუბოძა თავადიშვილობის ღირსება და ამასთანავე, როგორც თავადიშვილს საკუარებათ მთელი ბორჩალოს და ლორის მაზრის ადგილები, სოფლები და ხალხიც უბოძათ.

ამ მამულების და თავადიშვილობის ბოძების საგელ-გუჯრები მეფე ერეკლემ მალე გაუგზავნა იაკობ შახრიმიანს და ყოველივე დაწვრილებით აცნობა თავის მოწყალების და ამოდენა მამულების და უმების ბოძების. ამ მოწყალებამ და ამბების შეტყობამ იაკობ შახრიმიანი დიდათ გაახარა. ამანაც მალე მოსცა მეფე ერეკლეს სა'ავიერო მადლობის მსუ'ი, თან გამოატანა ძვირფასი ძღვენი და ისიც აცნობა მეფეს, რომ მე ჩემის შეძლებით დაათი თავს ინდელ მონებით საქართველოში გადმოვსალდებიო.

საქართველოში დავხსნი ისეთ სავაჭროებს, დავხსნი ისეთ ქარხნებს და დავათესინებ ისეთ მოსაყვლთა ნამყენს, რაც საქართველოში არიციან ჯერ და ეს კი მათთვის საჭიროებას შეადგენს საცხოვრებლათაო, სხვათა შორის ზოგი რამ საქმეთა ნობებიც კი ეუწყა მეფეს ჩამოთვლით

მაგალითებრ შაქრის ქარხნის გახსნა, ამისათვის შაქრის ლერწმის დათესვა და მოყვანა.

ასევე აბრეშუმის მოყვანის გამრავლება და

მოშენება და აბრეშუმის ვაჭრობის მოწყობა მოწეს-
რიგება და სპარსეთ, ინდოეთს და ინგლისშია ცამი-
თი ვაჭრობის დაწყება და ვაჭრობის გავრცელება
საქართველოს და ამ ერთა შორის.

ეს ინდოელი სომეხი მალე ჩაება მეფე ერეკ-
ლესა და ინგლისის მთავრობის შორის დაწყებულს
თათბირში და ამით მან ამ საქმის თათბირი და მო-
ლაპარაკება უჯრო განაცხოველა. საქმე მოეწყო და
მოწესრიგდა ისე, რომ საქართველოს ინგლისთან
დაკავშირების პირობაც დაიწერა რასაკვირველია
ინგლისურ ენაზედ. ეს პირობის წერილი სომეხმა
შახრიმიანცმა სომხურ ენაზედაც ათარგმნინა და
მერე იგი ინგლისურს და სომხურს ენაზედ, ინდო-
ეთის ქალაქ მადრისეში ცალკე წიგნადაც გამოსცა
თავის ხარჯით.

მალე მოხდა ისიც, რომ ამ წიგნის ერთი ცა-
ლი გამოუგზავნეს მეფე ერეკლეს, ერთი ცალიც იმ
დროის სომეხთ კათალიკოს ლუკას და ერთი ცა-
ლიც რუსეთის იმპერატრიცა ეკატერინე მეორეს.
წიგნთან ერთად ეკატერინეს მისწერეს ასეთი დავა-
ლებაც, თქვენ გიგზავნით ამ წიგნს, რათა თქვენ,
როგორც საქართველოს მოსაზღვრე საქრისტიანოს
ხელმწიფემ ეს გარემოება გაიცნათ და სა მისალორ-
ძინებაში თქვენც მიიღოთ მონაწილეობა, რათა
თქვენის დახმარებით კავკასიის თემზედ აღორძინდეს
და გაძლიერდეს ერთი საქრისტიანო სახელმწიფო,
რომელიც მფარველობას გაუწევს კავკასიის თემზედ

მცხოვრებთ ყველა ქრისტიანებს და რომლისა წა-
რმ-მდგენ და მეფეთაც იქნება დანიშნული საქარ-
თველოს მეფე ერეკლეო.

ამ გარემოებამ ეკატერინეზედ როგორი გავლენა
იქონია, ამისი ჩვენ არაფერი ვიცით ის კი ცნო-
ბილია, რომ ამის შემდეგ, რუსეთის მონარქიის წყა-
ლობით საქართველოს სამეფო გარეშე და შინაური
საქმეები უფრო აირია და ბოლოს ამ აღრევას ის
დაედო სარჩულათ, რომ საქართველო რუსეთის
მფარველობის ქვეშ შევიდა 1783 წ. და ამისთვის
ამ ორ სახელმწიფოს შორის პირობა, ანუ ტრაქ-
ტატიც დაიწერა. ვგონებთ რუსებთან დაკავშირების
დაჩქარება სულ ამ გარემოებამ გამოიწვია. ეს ასე
უნდა იყოს უსათუოდ.

ახლა ჩვენ ვიტყვით ცნობებს ამ წიგნის ბი-
ბლიოგრაფიის შესახებ რამდენსავე სიტყვას და იმა-
საც მოვიხსენებთ, თუ საქართველოს და ინგლისთ
შორის რა პირობები იყო ჩამოთვლილი. ამას მით
უფრო ვსაქიროებთ, რადგანაც დღეს ეს წიგნი
ერთობ იშვიათი საშოვნელია, მთელს დედამიწის
ხურგზედ მხოლოდ ერთად ერთი წიგნია დაცული,
ისიც მეფე ერეკლეს ნაქონი, სხვა წიგნებს კი აი
რა დასტებია თავზედ.

ამ წიგნის დაბეჭდვის შემდეგ ყველა ეს დაბეჭ-
დი იმ წიგნები იაკოფ შახრიმიანს ერთაღაგას ჰქო-
ნია დაწყობილი და შენახული, მაგრამ იქ მას უცა-
ვდათ ცეცხლი გასჩენია და წიგნები სულ ისე და

მწვარა, რომ ერთი ცალიც აღარ ვადარჩენილა. სულ მოსპობილა, როგორ მოხდა ეს, ვინმემ განძრახ მტრობით დასწო, თუ ან სხვა გვარ გაუჩნდა ცეცხლი, ამისი ვერავინ რა შეიტყუა. ვადარჩამხოლოდ ის წიგნები, რომლებს თითო ცალიც ერეკლე მეფეს, სომეხთა ლუკა კათალიკოსს და რუსეთის ეკატერინე იმპერატრიცას გამოუგზავნეს.

ამ სამის წიგნიდამ, ბევრის ძებნის შემდეგ, ტფილისში აღმოჩნდა მეფე ერეკლეს ნაქონი წიგნი, სომეხთა კათალიკოსის ლუკას ნაქონი წიგნი, რომელიც ბევრი ეძება სომეხთ ისტორიკოსმა და არქეოლოგმა ალექსანდრე ერიკოვმა, მაგრამ ვერსად იპოვნა, ასევე არ აღმოჩნდა ეკატერინე იმპერატრიცას ნაქონი წიგნი არსად, თუმცა ესეც ბევრი ეძებეს. მეფე ერეკლეს ნაქონი, წიგნი აქვდა ამავე ისტორიკოს არქეოლოგს ალექსანდრე ერიკოვს, რომელიც დიდის სიფრთხილით და მოწიწებით ინახავდა ამას, როგორც ერთად ერთს იშვიათს ეგზემპლიარს.

ეს წიგნი ისტორიკოსთან ვნახეთ ჩვენა და ისტორიკოს არქეოლოგის დახმარებით ისიც გავიცანიეთ, თუ ამ წიგნში რამ პირობები იყო მოთვლილი, რომელ პირობებიც ედებოდა საგნათ საქართველოს დაკავშირებას ინგლისის სამეფოსთან: ამიტომ მოგვყავს ეს პირობებიც თავის ცნობებით.

ინგლისის მთავრობა ყურადღებას აპყრობს საქართველოს და სომხეთის ერის და ქვეყნების მდგომარეობას, როგორც ქრისტიან ხალხების.

ინგლისის მთავრობა საქართველოს საქრისტიანო მე-ეთ სცნობს ერეკლე მეფეს და ამავე მეფეს იგი აძლიერებს და უწევს ყოველნაირ დახმარებას და მფარველობას.

ამ დახმარების სანაცვლოთ, მეფე ერეკლეს ვალდებულია, რომ მან დახმარება და მფარველობა უნდა გაუწიოს იმ ქრისტიანებს, და მათ შორის სომხებსაც, რომელნიც კავკასიის თემზედ სცხოვრებენ, განსაკუთრებით სომხებს უნდა მისცეს დიდი დახმარება და მფარველობა, ეცადოს ინგლისის დახმარებით, რომ სომხეთში ამ ერის საყვოც აღადგინოს და სომხეთის მეფეთაც თვით ეს ერეკლე მეფე გამაცხადდეს და ამით შეერთდეს და გაძლიერდეს ამ ორის საქრისტიანო ერისაგან ერეკლე მეფის საქართველოს სამეფო.

ამიტომ ინგლისის მთავრობა საქართველოში გზავნის თავის ნასწავლ სამხედრო კაცებს, ესენი საქართველოში, ქართველ ჯარს აწყობენ ევროპიულათ. სწურთენიან ინგლისურათ, ადგენენ სამხედრო წესებს, ჯარისაგან სამსახურის გადახდას.

ჯარისთვის აკეთებენ საცხოვრებელ სახლებს, აწყობენ ტანთსაცმელის და კამასმის მოპოვების წესებს და ნამეტურს სანოვაგის.

საქართველოს ქალაქებში არსდება ევროპიელთა წესები, ფართოვდება ვაჭრობა და აღებ მიცემის საქმენი, რაშიაც ინგლისის მთავრობაც უჩენს დახმარებას.



იმართება ფოქტა წერილების გასაგზავნი, კონკორც ქალაქებში. ისევე გზებში სპარსეთსა და ინდოეთსა და ინგლისს შორის, ფუძნდება გზის ყარაულები, რათა ვაჭრებმა თავისუფლათ შესძლონ საქართველოდან სპარსეთსა, ინდოეთსა და ინგლისში სიარული და საქონლების გატანა შეტანა.

ქ თფილისში არსდება ევროპიელთა საკონსოლოები, ასევე საქართველოს სამეფო ნიშნავს თავის კონსოლებს ევროპიელთა ქალაქებში, ფუძნდება ევროპიული სამმართველოები და საქმეები ირჩევა ევროპიელთა ერის წესებით, ხოლო ქართულის და ადგილობრივ ენებით

ინგლისის მთავრობა ტფილისში ხსნის სხვა და სხვა საჭირო სასწავლებლებს, მასწავლებლებათ იმყოფებიან ინ ლისელები, ესენი ამზადებენ ქართველებს, ასწავლიან ამათ ევროპიულათ ყველაფერს სწავლა-განათლებას და მკრე ეს გამოწურთვნილი ქართველები ხსნიან ასეთ სასწავლებელს საქართველოს სხვა და სხვა ქალაქებში.

ტფილისში ფუძნდება სრულიად ევროპიული წესები და ქართველებს, სომხებს და სხვა ქრისტიანებსაც ასწავლიან ევროპიულ ენებს, სხვა და სხვა სწავლა მეცნიერებსაც, ასეთ პირობათა გარდა მოთვლილია შახ-იმშიანის პირობებიც.

ამ პირობის მუხლებსაც მოვიყვანთ მოკლეთ: შახრამიანი გადმოსახლდება საქართველოში და დასახლდება იმ მამულებზედ, რაც მას მეფე ერეკლემ მიუბოძა აჩუქა.

იაკობ შახრამიანს საქართველოში ჩოპყავს თავის 10 ათასი მოწა ინდუსები, ამით ასახლებს იმ მამულებზედ, რომელიც მეფე ერეკლემ შახრამიანს მიუბოძა ჩუქებით.

ინდოელი მუშები საქართველოში ხსნიან შაქრის ქარხნებს და ამისთვის სთესენ შაქრის ღირწამსაც.

ხსნის სხვა და სხვა საქსოვს და საფეიქრო ქარხნებს. ამ ქარხნებში ინდუებთან ერთად მუშაობენ და სწავლობენ ქართველნი, სომეხნი და სხვა ქრისტიანებიც, გარდა მუსულმანებისა.

ასეთ ქარხნებს მფარველობას უწევს საქართველოს სამეფო და ამით ქარხნები და ამის საქმეები უზრუნველყოფილია მტერთა თავდასხმა და ცარცვა აკლებისაგან, ან აობრება დაქცევა ნგრევისაგან.

წიგნში კიდევ ბევრი სხვა პირობებია მოყვანილი, მაგრამ უადგილობისაგამო ჩვენ ეს ყველა აქ არ მოგვყავს, რადგანაც აწინდელ სიძვირეს არ შეეფერება, ის კი ითქმის, რომ ეს წიგნი კარგა, საკმარისათ ფართო, სქელი ზომის წიგნია.

მაშასადამე აქ სხვა და სხვა პირობების მუ-



ზღებიც მრავლათ იქმნება მოთვლილი, ეს ცხადია, ამას ეჭვი არ უნდა. ყველაფერი ეს რასაკვირველია იყო კარგი და პატიოსანი და მეფე ერეკლემ ამის შესრულებას ყოველ დღე ელოდა 1780 წლის შემდეგ, მაგრამ გავიდა ბარე ათი წელიწადი და პირობის შესრულებას კი დასაწყისი არ უჩანდა.

ამ გარემოებას მიზეზათ დაედო ისიც, რომ როცა საქართველოს და ინგლის შორის პირობის წერილი დაიწერა და წიგნათაც დაიბეჭდა, მის შემდეგ, მალე ეს წიგნებიც სულ ერთიანად დაიწვა თურმე და მასთან იაკობ შახრიმიანიც მეორე თუ შესამე თვეს გარდაიცვალა და ამ უბედურებამ თურმე დააბოლავა საქმე უმნიშვნელოთ, თუმცა მეფე ერეკლემ ვერც შახრიმიანის სიკვდილი შეიტყო და ვერც სხვა რამ მიზეზები.

ამიტომაც იყო, რომ მეფე ერეკლე შახრიმიანის მოლოდინში იყო 1796 წლამდისაც კი და კიდევ იმედოვნებდა, რომ შახრიმიანი აგერ მოვა და აგერ მოვაო, მაგრამ არ იქნა მის მოსვლას არაფერი ეშველა, ამიტომ იყო, რომ მეფე ერეკლესაგან ბოძებული ბორჩალო და ლორის მამულებიც შახრიმიანის საკუთრებათ ითვლებოდა.

აღა მაჰმადხანის შემოსევის შემდეგ კი მეფე ერეკლემ ვეღარ მოითმინა და იაკობ შახრიმიანს მოციქულათ კაცები გაუგზავნა და დაპირების პასუხი მოსთხოვა. ამ მოციქულების მეთაური იყო თბილისელი ვინმე მცხოვრები ქართველი აზნაური.

შვილი რაფიელ დანიბეგოვი, ქართველი კათო-
ლიკე ოა ევროპიულის და აზიური ენების მკოდნე.

ეს მოციქული ინდოეთში გაემგზავრა 1796 წელს გაზაფხულზედ, ბევრი მგზავრობის შემდეგ მოაღწიეს შახრიმიანის კარამდის, მაგრამ მათდა სამწუხაროდ შახრიმიანი ცოცხალი აღარ დახვდათ. მეფე ერეკლეს წერილი და დავალება შახრიმიანის შვილს გადასცეს. ამანაც მეფე ერეკლეს დიდი შადლობის წერილი მოსწერა, აცნობა თავის მამის გარდაცვალება და ისიც აღწყო, რომ მამის ჩემის წადილს მე შევასრულებ და მის მაგიერ მე გადმოვსახლდები და დავსახლდები იმ მამულებზედ, რომელიც თქვენგან გვებოძაო. ამ გვარად დაიმედებულ მოციქულები ინდოეთიდან საქართველოში გამოემგზავრენ 1797 წლის ბოლოს.

მგზავრობის დროს, ამათ გზებში დარჩენა მთელი თვეობით უხდებოდათ, ამიტომ მათ დიდათ დაუგვიანდათ, საქართველოში ამათ მოაღწიეს 1898 წლის დამდეგს, ამ დროს, აქ მათ მეფე ერეკლე მიცვალებული დახვდათ და შახრიმიანის წერილი და დაპირება მეფე ერეკლეს შვილს გიორგი მეფეს გადასცეს.

გიორგი მეფემ შახრიმიანის შვილის წერილს და მოციქულის ცნობას ჯეროვანი ყურადღება მიაქცია და გასცა ბრძანება, რომ მეფე ერეკლესაგან ბოძებულ შახრიმიანის მამულები ბორჩალოსა და ლორში იქნეს დაცული და ხელ შეუხებელიო.



ეს ამბები ასტრახანის სომხ. ბმაც მალე შეიტყვეს, ამათ მალე მიმართეს პავლე იმპერატორს და სთხოვეს შემდეგი დავალება:

გვიშუამდგომლეთ ქართულის მეფე გიორგისთან, რომ მან ინებოს და თავის სამეფოში, ოსმალეთიდან ლტოლვილი სომხის ქრისტიანები მიიღოს და საქართველოს მიწა მამულებზედ სადმე დაასახლოს, ეს ქართველებისათვისაც კარგი იქნება, რადგანაც მათ მეზობლათ ქრისტიანები გაუპრავლდებათ.

პავლე იმპერატორმა შეისმინა სომხების დავალება და ამან მალე მოსწერა გიორგი მეფეს და სთხოვა, რომ ეგები გიორგი მეფეს ეს დაჩაგრული და ლტოლვილი სომხები მიეღოს თავის სამეფოში და დაესახლებინა სადმე

მეფე გიორგის პავლე იმპერატორის დიდი ხათრი ჰქონდა. ეს დიდი პატივის მცემელი იყო პავლესი, ამიტომ მალე მოსწერა პასუხი და აცნობა შემდეგი დადგენილება თვისი.

მე, ჩემს სამეფოში თავისუფალი ადგილები არსად მაქვს, რომ სომხები დაეასახლო. მეფე ერეკლემ დიდი ძალი ადგილები ლორსა და ბორჩალოსი ერთ სომეხს მიუბოძა, აჩუქა, ის სომეხი ინდოეთში სცხოვრობს, დღემდე ეს ადგილები ცარიელია, ის სომეხიც არ მოდის აქ, თუ ისურვებენ, გადმოსახლდნენ და იმ ადგილებზე დასახლდნენ და როცა იმ ადგილების პატრონი მოვა სა-

ქართველოში, მაშინ მათ იმას აძლიონ გადასახადი.
 ეს სასიამოვნო ამბავი პავლე იმპერატორმა
 მალე აცნობა ასტრახანის სომხებს, ამათაც რასა
 კვირველია გაეხარდათ და მათაც მალე აცნობეს
 თავიანთ ლტოლვილ უმიწაწყლო სომხე'ს.

სომხის ლტოლვილთ ეს მოწყალების ცნობა
 დიდათ გაეხარდათ, ესენი პალე მეცნენ გადასახ-
 ლების სამხადისს და 1799 წლის შუა ზაფხულის
 რიცხვებში გადმოსახლდნენ მრავლათ და დასახლ-
 დნენ ლორსა და ბორჩალოს მაზრაში.

გიორგი მეფის ბრძანებით ამ სომხებს ეუწყათ,
 რომ ეს თქვენი ადგილები ეკუთვნის იაკობ შახ-
 რიმიანს, როცა ამის შვილი მოვა საქართველოში,
 მაშინ თქვენ იგი უნდა იცნათ ამ ადგილების პატ-
 რონად და გადასახადიც მას უნდა აძლიოთო. ამ-
 გვართ მეფე გიორგიც იყო შახრიმიანის შვილის
 მოსვლის მოლოდინში.

მაგრამ ეს არ მოხდა, წლის თავზედ მეფე
 გიორგი, გარდაიცვალა და ამის შესდეგ, ერთობ
 მალე 1801 წ. დამდეგს საქართველოც რუსეთის
 იმპერიას დაუკავშირდე ამ შეერთების შემდეგ,
 რუსეთის ახალს მთავრობასაც ეუწყა ის გარემოე-
 ბა, რომ ლორი და ბორჩალოს მაზრა ამა და ამ
 პირს ეკუთვნისო, ამიტომ, მთავრობამაც ეს ადგი-
 ლები შახრიმიანის საკუთრებათ იცნა და მის სა-
 ხელზედაც დაუორღნა.

ამის შემდეგ გავიდა კარგა ხანი, შახრიმიანის

საქართველოს
 შახრიმიანის
 1801 წლის

ქსიკა

შვილი კი საქართველოში არ გადმოსახლდა, თუმცა მოსკლის ხმები კი ყოველთვის ისწოდა, რომ აი დღეს მოკა და აი ხვალია, მაგრამ მოსკლია კი არ იქმნა, 1846 წ. საქართველოს მთავარმართებლათ დანიშნულ იქმნა მიხ ვორონცოვი, მაშინ ამის წინაშე ორბელიანთ და ბარათაშვილებმა ასტეხეს ასეთი საჩივარი:

მეფე ერეკლემ ჩვენს ძველებს მამულები ჩამოართვა და ყველა ეს მამულები მიუბოძა ინდოელ სომეხს იაკობ შახრიმიანს, მის შემდეგ ეს მამულები შახრიმიანის საკუთრებათ დაშთა, საქართველოს რუსეთის იმპერიასთან დაკავშირების შემდეგ, ამ მამულების გლეხებს გადასახადი ხაზინაში შეაქვსთ და იქ ენახება შახრიმიანისთვის, თვით შახრიმიანები კი არსად სჩანან.

რადგანაც ამ მამულების ბოძების შემდეგ უკვე გავიდა 20 წელიწადი, შახრიმიანი და ან ამის შვილი კი არსად სჩანს და არ მოდიან საქართველოში, ამიტომ ვითხოვთ, რომ ეს ჩვენი საკუთრება და ჩვენი ძველებისაგან ჩამორთმეული მამულები ჩვენვე დაგვიბრუნდეს და მამულებიდან ანაღები და გლეხებისაგან ხაზინაში შეტანილი გადასახადი კი დარჩეს მთავრობის სასარგებლოთ.

ეს დავალება ვორონცოვმა შეისმინა, მერე გამოძიებაც მოახდინა, რა კი მარჯლა საქმე ასე აღმოჩნდა, მის შემდეგ ამის შესახებ უმაღლეს მთავრობასთან იმეცადინა და ყველა ეს მამულები

ბორჩალოს მაზრის ძველს პატრონებს ორბელიანებს და ბარათაშვილებს დაუბრუნა. დღემდე ამ მამულების უფლება ხსენებული პატრონების გახლავსთ, თუცა ზოგმა კი დიდი ძალი მამულებისა დაყიდეს.

ასე და ამგვარათ დაბოლოვდა ეს საქმე და მისი დაწყობილობა, რომლის უპირველეს მეთაურათ ითვლება აფხე ერეკლე და სპარსეთში მცხოვრები ინგლისელების კონსულები. ამ დიდებულ საქმის წარმოების შესახებ ჩვენ გვაქვს რაფ. დანიბეგოვის მოწმობაც, რასაც მოვიყვანთ აქ.

საქართველოს რუსეთის იმპერიასთან დაკავშირების შემდეგ, რაფიელ დანიბეგოვი რუსეთში გადასახლდა. იქ იმან თავის მოგზაურობა ქართულს ენაზედ დასწერა, მერე ეს მოგზაურობა რუსულათ სთარგმნეს და 1815 წ. პეტროგრადს, რუსულს ენაზედ ცალკე წიგნათ გამოსცეს.

ამ წიგნის დასაწყისშივე არის რაფ. დანიბეგოვისაგან მოხსენებული ამ გარემოების შესახებ შემდეგი ცნობები:

„მეფე ერეკლესა და ინგლისის შორის მიწერმოწერა იყო გამართული, რაც სწარმოებდა 18 წლის განმავლობაში. უკანასკნელ მეფე ერეკლემ მე გამგზავნა ინდოეთში ამ საქმის გამო მოციქულათ ინდოელ შახრიმიანთანაო.

გარდა ამისა ამ წიგნში სხვა არაფერი ცნობებია მოყვანილი ამ გარემოების შესახებ.

მას შემდეგ განვლო კარგა ხანმა, მოხდა სხვა
 და სხვა საქმენი და პირობები და ძველებურ ინგ-
 ლისელთა კვალით, საქართველოში, საქართველოს
 მთავრობის წინაშე, ქართველი ერის წინაშე სამსა-
 ხურათ ჩამობრძანდა ჩვენ ჰი მისტერ ოლივერ უორ-
 დროპი, რომელ გარეგნობითაც აღსრულდა ამ
 ორი ერის ძველებური დიდებული წადილი და ის
 ტორიული ნატვრა, ამიტომაც ჩვენ მიულოცავთ
 პატივცემულს მისტერ ოლივერ უორდროპს სა-
 ქართველოში მშვიდობით მო რძანებას და მით
 მეფე ერეკლეს და ინგლისის ძველებურ წადილის
 კეთილათ შესრულებას და ამ ორ ერთა შორის
 ერთობის დათესას.

PC61.449
2

30/772

ფანის 5 მან.

